



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

caput XLV.

urn:nbn:de:hbz:466:1-29452

G.

LIB. II. CAP. XXXV. 357
propter Christum, errat similiter: media ergo via te-
nenda est, quod fides quae habet secum poenitentiam,
illa accipit remissionem peccatorum. Quae remissio
quia creditur & certa est propter Christum, ideo ne-
mo debet desperare in peccatis, sed credere remissio-
rem peccatorum.

CREDO HUIUS CARNIS
resurrectionem.

CAPVT XXXV.

ARGUMENTA.

1. Unde vera fides resurrectionis nostræ acqui-
ritur.
2. Quomodo fiet resurrectio mortuorum.
3. Quomodo corpora beatorum decorabuntur
quatuor donis eternæ glorie.

Ides resurrectionis non à ratione aut
lumine naturæ nostræ vel libris philo-
sophorum & Poëtarū petenda & querē
da est, sed à verbo & potentia Dei: ver-
bū enim Dei vtrunq; prædicat. Primiū,
quod sit omnipotens Deus Ex. 15. Omnipotens, no-
men eius. Luc. 1. Apud Deū non est impossibile ullum
verbū. Si enim Deus sua omnipotentia potuit de ni-
hilo creare omnia, & hominē formauit de limo ter-
re, & inspirauit in illum vitam, Gene. 2. ergo eadem
omnipotentia poterit & corpora ac cineres mortuo-
rum restituere ad vitam & resuscitare: & deinde
quod Deus hoc velit facere, nemp̄ resuscitare nos &
corpora nostra, vbiq; testatur scriptura, Ezech. 37. Ec-
ce ego aperiam sepulchra vestra, & educam vos de se-
pulchris vestris, id est, euocabo: & Daniel. 12. Multi
qui in pulueribus terre quiescunt & dormiunt, ex-

Z 3 cito-

citabuntur: alij ad vitam æternam, alij ad confusio-
nem. & Iob 19. Scio quod redemptor meus vivit, &
in nouissimo die de terra resurrectus sum, & in carne
mea videbo Deum saluatorem meum, & Christus
defendit hunc articulum Matth. 22. ex verbis Exod.
3. Ego sum Deus Abraham, & Deus Isaac, & Deus Is-
acob. Non est Deus Deus mortuorum, sed viuentium,
& Ioan. 6. inquit. Hęc est voluntas patris mei, qui
misit me, ut omnis qui videt filium, & credit in eum,
habeat vitam æternam. & ego resuscitabo eum in no-
uissimo die. Et quoniam natura hoc difficile credit,
ideo Apostoli & maximè Paul. multum laborabant
in probatione istius articuli. 1. Cor. 15. Sicut per vñ
hominem venit mors, ita quoq; per vnum hominem,
id est, Christum, venit resurrectio mortuorum: &
icut in Adam omnes moriuntur, ita in Christo &
Romani. 8. Si spiritus illius qui suscitauit Iesum
mortuis, in vobis habitat: ille Spiritus qui Christum
excitauit, & mortalia corpora vestra viuiscabit pro-
pter illum, cuius Spiritus in vobis habitat. Clari-
est hic articolus in scripturis noui testamenti acve-
teris. Nam Christus multos excitauit mortuos, sicut
viduæ filium, Luc. 7. filiam archisynagogi, Matth. 9.
Lazarū, Ioan. 11. & Apostoli & alij sancti excitárint
mortuos ad probandum hunc articulum fidei: ideo
ex verbo Dei, cui credere debemus, Deus enim no-
mentitur, immò hoc impossibile est, Heb. 6. fidem re-
surrectionis probant, & ex potentia illius, quoniam
omnipotens: & hęc ratio est, cur gentiles negant
resurrectionem, quia non credunt verbo Dei, aut quod
Deus sit omnipotens. Fides ergo resurrectionis ex
verbo Dei & exemplis, & non à natura.

2. Secundò, quomodo fiat resurrectio mortuorum,
Apostolus 1. Cor. 15. ait: Canet enim tuba, & tunc in
ictu oculi (*plätzlich*) omnes immutabimur, non o-
mnés dormiemus, quia aliqui erunt residui in ad-
veniu-

uentu Domini, qui non sunt sepulti vel mortui: omnes tamē immutabimur, quia oportet hoc corruptibile, id est, **verwesenlich**/ induere incorruptibile, & mortale hoc corpus induere immortalitatem, & tunc implebitur sermo prophetæ Oseæ 13. Mors absorpta est in victoria, vicit immortalitas mortalitatem in Christo, id est, propter Christum: ergo ubi nūc timor tuus aculeus, id est, peccatum? quia stipendiū & aculeus peccati est causa mortis, Roman. 6. Sed Deo gratia, iam habemus victoriam per Dominum nostrum Iesum Christum. Sic in iectu oculi in resurrectione omnes immutabimur. Surgeat mortui incorrupti, id est, integris corporibus: & qui adhuc viuēt, morientur prius, & immutabuntur cum cæteris de mortalitate ad immortalitatem. Insuper de illis quos viuos adhuc reperiet in terris aduentus Christi inquit Apostolus 1. Thess. 4. Nos qui viuimus & residui manemus in aduentu Domini, non præueniemus eos qui dormierunt, sed primò ipse Dominus in vocē tubæ & voce archangeli descendet de cœlo: & tunc mortui in Domino resurgent primi. Deinde nos qui viuimus & residui sumus, simul rapiemur cū illis in nubibus obuiam Domino in aëra, & sic semper cū Domino erimus, scilicet electi post acceptam & auditam sententiam Mat. 25. Venite benedicti patris mei, possidete regnum &c. At inquis: nunquid mali resurgent? maximè. Scriptura enim testatur generalē resurrectionem bonorum & malorum, sed cū magna differentia; Boni enim ad gloriam, sed mali ad æternam damnationē. Sic inquit Christus Ioan. 5. Venit hora & nunc est, quandō omnes qui in monumentis sunt, audient vocē filij Dei: & procedent, qui bona fecerunt, ad resurrectionem vitæ: qui verò malegerunt, ad resurrectionem iudicij. Sic 2. Corint. 5. Oes manifestari oportet ante tribunal Christi, &c. hic nihil est disputandum de hominibus, quomodo

in terra corrupti sicut, ut quidam à bestiis deuorati,
quidam cōbusti, submersi, &c. Sed hīc potius omnipotētia illa diuina consideranda est. Nam si ex nihil
potuit creare Deus omnia, multo magis ex pulueri
bus vel ossibus resuscitare & viuificare poterit omnia atq; reparare: ideo consolatur suos Christus, quiens Matt. 10. Nolite metuere eos qui occidunt eos, animam autem non possunt occidere &c.

3. Tertiō, Apostolus 1 Cor. 15, docet, quomodo corpora electorum decorabuntur quatuor dotibus æterni gloriæ, id est, quas habebunt beati in gloria eternali ter. & primò inquit, sicut stella differt à stella in charitate, sic erit in resurrectione mortuorum. Secundo, corpus seminatur corruptibile, sed resurget incorruptibile. Tertiō seminatur in ignominia, id est, misere in terra perit aut sepelitur: sed resurget in gloria, id est, **herzlichkeit**. Quartō, seminatur in infirmitate & resurget in virtute: seminatur corpus naturale, id est, materiale, & resurget spirituale. Summa, his quatuor dotibus ornabuntur iuxta Apostolum corpora beatorum in resurrectione: hoc est, **werde sein hell vnd klar / vnsterblich vnd ewig / subtil vnd herzlich / stark vnd gewaltig**. Et dat exemplum: Insipiens tu, nō viuiscatur quod seminas, nisi prius moriatur. Sic Christus de grano tritici Ioan. 12. Sic lucent in gloria electi sicut sol, Matt. 13. id est, postquam fuerint ornati his dotibus: exemplum quatuor horum habetur etiam in sole, qui clarus, subtilis, poterit & perpetuus est usque ad finem. Malorum autem corpora erunt obscura & deformia, non clarificata, tamen immortalia ad damnationem æternam. Ceterò ergo credere debemus huius carnis nostræ futuram resurrectionem, & quod cuiusque corpus proprium resurget.

CREDO